



ЗОЯ СЕМЕНДУЕВА

Эсер билогъ

ЗОЯ СЕМЕНДУЕВА

Эсер билогъ

СТИХИГЬО ВЕ ПОЭМА



МАХАЧКАЛА
ДАГЕСТАНСКОЕ КНИЖНОЕ ИЗДАТЕЛЬСТВО
1979

ББК 83.3 татск.

С (тат)

С 30

Семендуева З. Э сер билогъ.

С 30 Махачкала, Даг. кн. изд-во,

1979.

48 с.

У родника.

**С (тат.)
ББК 83.3 Татск.**

И чоримуын книжкеи эн Зоя Семендуева, ведироморенигъо э Дагестанское книжное издательство.

Э шогьиригъой хувьшде Зоя Семендуева бирмундени пушотеине тэхъле зиндегунире ве исэглэтине хушбааде гъисмет эн зенгьоре, тэглирфменд соходдени тозе девр Советире, гуфдирени э товун дусди ве бирори хэлгъгъой вилеет иму, эн республикейму.

Э и сборник дешенде омори гъемчүн поэма «Мозол», комире ки автор нульвусди э гүзээт Комсомол Ленини.

С 70403—55
М 123 (04) — 79 102—79 © Дагкнигоиздат, 1979 г.



СТИХИГЬО



БОВОР СОХДЕНУМ

У руз, кейки чум вокурде
Э и дульньегъ дениширем,
Гьемишелуыг дусди бесде,
Инсонгъоре бирор гирдем.
Эз гэили бовор сохдем,
Э ишму ме, одомигъо.
Дануьсденуым гъэрхунд бирэм
Эй вегирде тербиегъо.
Бовор сохденуым э усдогъо,
Комигъоки вокурденуыт,
Э шофергъо ве летчикгъо,
Комигъоки э рэхь деруыт.
Бовор сохденуым э духдиргъо,
Сохденуытгъо дур гэзоре.
Э солдатгъой эн серхъэдгъо,
Дошденуытгъо динжимуре.
Э ишму ме боворинуым,
Ишмуш э ме бовор сохит.
Эй инсонгъо ме хосденуым,
Дуль-екире омбар хогъит.



ХОГЬ ВАТАНЕ

Гъер инсоне васалиш гъисд поизиш,
Гъемишелуыг нисе бире гъич өкиш.
Эз ю бэгъдо гъер одоми нум гъишде,
Э ю гуьре у нуме у вегирде.

Беднумире эй вегирде четин нисд,
Никисохэ гъеммишегьо хъуьрмет гъисд.
Сох никире нике нуме эй гъишде,
Э негъогъи пуч несохде гъич вэхде.

Рузгъоймуре шевгъо дегиш сохденуыт,
Рафде рузгъо вогогьруш нисе биренуыт.
Тэгди сох туть коре пушо эй берде.
Ненге инсон эз гуьмуьриш пес мунде.

Бирмун гъинор те поиз туть оморе,
Э девр иму хъуьрмет гъисди жофоре.
Эз дуьли хогь туть гъеммише Ватане,
Муьрде бэгъдош у гереки инсоне.



ДУСД

Дусд эри инсон гъисди мелхъэм,
Дусд бугъа инсон никешув гъэм.
Э дусд бугъо жиге нибоши ёд,
Хуърметиш унжо мибошу зиёд.

Дусдсуъз парандегъош низенүйт гъич пар,
Бигъил бошут э гъер жиге дусдгъо омбар.
Дусди гъэнет инсони, дусди гъумуър жуни,
Дусдсуъз гирорутгъо рузгъо эри чуьни.

Дусдире гъувот дим бироргъо,
Нисд гердо эз гъульом дульшменигъо.
Эри дусдгъо очугъи дергъойму гъер вэхд,
Эри нэхогъгъо гъопугъош гъисдүйт сэхд.



МЕРЕ ХҮЭЗ ОМОРЕ

Мере хъэз оморе денишире,
Раче чигьрет догъйомуре.
Электриш ишуьгъ доре.
Чуын астарай эн зум-зуме.

Мере хъэз оморе денишире.
Чуытам васал, эз гэрей догъгьо.
Шэх-шэх риход нүкөрөгьо,
Вараюсдет эз гуль доогьо.

Мере хъэз оморе денишире,
Э гешдеки жавонгьоре.
Э жилгъэгьой гэрей догъгьо,
Шоре мульбет пур э дульгьо.



ШЕЙ СЕБЭХЬИ

Похли-похли, гэрсэ хуно,
Белгъэм гирде велг, савзере.
Шей себэхьи уьшувгъ мидо,
Э шон чульшме ригаз доре.

Жун гуль, савзе тозе бире,
Хурде хурек шей себэхьи.
Хуьрд сохденуыт тешнеире...
Мереш э у лап темэхьи.

Ме себэхьгьо диренуымге,
Э сер савзе шей нульшдэй,
Гуйге угъо чум ёригэ
Ве пурультгэ эшгъ хосдэй.

Шей себэхьи, туни темиз,
Э хумнейту гоф гешденуым.
Мэглэнолуь бошут гъер риз,
Хурег хэлгъ бу — ме хосденуым.



ЛОВОЙ ДЕДЕ

Гьетте гъэнэт мұхъкем бире,
Гъуш хъозури эй паруысде.
Гъишде лулей эн хұышдерे,
У э дури гъэнэт күфде.

Ферзенгъоймуш э гъечунуыт,
Тегъер эн гъуш келе бире.
Эз дедейгъо гүфдиренуыт:
— Хъэлол сох түү э ме шире.

Э рәхъ эдем ведарафде,
Небу боши дедей, гъэгъри,
Биё оғум рәхъ эй хұышде,
Вәхд рафдей ме изму бири.

Дуыл эн деде гъелбет могъбул.
Гьетте шинре мибу сұыфде.
Песде мибу у шоре дуыл,
Балай күке рач фегым сохде.

Сер мигиругь ловогъоре,
Эй ферзенд эри хосде:
— Бура, күк ме, рәхъ шорире,
Ватане түү э дуыл дошде.

Фурмуш месоҳ хок хорире,
Э коминжо келе бирей.
Ве гъемчуын у инсонгъоре
Эз ки, жун ме, эшгъ вегирдей.

Э чувь жигеш бисдориге,
Дан ки тув одомини.
Коми рэхъэш тув рафдиге
Инсоньети хъуьрмет тувни.



НИСЕ МУЬРДЕ

Гирошдүйтгеш омбар салгъо,
Чигърет эн кук фумуш нибу.
Те чумгъюю хъэрзо гъисдгъо,
Дедей куке гье мигешдуй.

Ниданув гыч дуыл эн деде,
Е мэхъэлиш сокит бире,
Согъ гүймур, ю, лово хосде,
Огол зере ферзенд юре.

Э хуней кук у лампере,
Дегесунде хомуш мибу.
Когъозлегьой довглоире
Э ён лампе у михуну.

Эз гуниле оффонугъо,
Нивэхизув, сер тик гирде.
Эри ватан жуне нульгъо,
Гыч е вэхдиш нисе муьрде.

Чигърет эну гъеммишелульг
Эй хэлгъ Ватан ве эй деде.
Гъем гүйзетлув ве гъем бузыург
Едигор ве гээзиз мунде.



Э СЕР ГЪОВРЕЙ ДЕДЕ

Э сер гъоврей туть поисде,
Эй сес туть ме хъэрсет бире,
Шевиш-рузиш сугъде деде,
Туьре эдем огол зере.

Эйчуль, дедей, туть зу мурди
Э сал гъумуэр не расире.
Эйчуль гъечи езугъ гъишди,
Эйки гуюм ме дердмере.

Дерд ферзенде энжэгъ деде,
Данульсдени вогу сохде.
Оморей эй не вогошде,
Балай туьре дердлув гъишде.



ВЭХД ЖОВОНИ

6

Тегъер богъгъой эн васали,
Гъечу рачи вэхд жовони.
У гъисд васал зиндегуни
Ве биёвгъой эн инсони.

Бош туть жовон хосдей эн дуыл,
Рачи ди туть тегъер эн гуль.
Ватан эз туть шори соху,
Имид э туть ёгъин бесдүй.

Рэхъгъой гүумуър лап омбари,
Угъю эйтүү очмиш бири.
Хубе рэхъэ дан туть вихде,
Э дузе рэхь ёгъин рафде.

Увэхд мофи мозол ве бэхд,
Рузгъюш мибу эйтүү хушбэхд.
Мидани туть офде сохо.
Ве тэгірифи э гъэд жохо.



МЕПОЙ

Гъер себэхь себэхъмунде,
Пушой мере эйчуй гирде?
Э чумгъой ме тиж медениш,
Нисоху угъо туыре гъимиш.

Ме эри туть дусд нибошум,
Мульгъбет дульеш ме никуышум.
Мульгъбет гъер вэхд азад бири,
Э гужевоз нивегири.

Эй туть мульгъбет неде э дуыл,
Негъогъ эйчуй бире билбул.
Э гужевоз бугъо гъисмет
Эри екиш ниёру бэхд.

Кулок — зульгъбе бисдоруытгеш,
Верф ве воруш оморуытгеш,
Гэтош мульгъбет сокит нибу.
Эри түш у дэгэм нидувь.

Меёр мере туть лап визор,
Негъогъ мепой э зир эн дор.
Хосдэй дуыл ме гъисд э дури,
Э дуыл мульгъбет эну дери.



ДОР Э СЕР БИЛОГЪ

Чүн гъэрэул э сер билогъ поисдей,
Лугегьоре э чор тараф лов сохдай.
Савзе велггью э гуш-гуши дебире,
Дирегьоре эри еки гуфдире.

Духдерун дөгъ э ён билогъ оморе,
Дув эй еки дуылгьюшуре гуфдире.
У гоффьоре гъеммере туть шинире,
Дануьсдени пэхьни сохде сургьоре.

Соймишигъо э соей туть нувьшденуыт,
Дуылгьюшуре унжо серин сохденуыт.
Эй инсонгъо де у коргъо сур нисди,
Эйтуть угъо чендгъэдериш хъуьрмети.

Кошдегор туть, гъелбетки дануьсди,
Эри ники түре инжо у кошди.
Кини у мерд түре инжо кошдегор?
Е богъдори енебуге рэхьгиорор.

Ки гъисдигеш никисохи у ёгъин,
Унегуьре ме не бире гъич гъемин.
Шоре мэгіни эри туть, дор, хунденуым,
Кошдегоре эдей тэгіриф доренуым.





РАЧЕ ЧИГЬРЕТ

Назуьшменде рабе чигърет
Гысд шори дуль эн жовони.
Шевиш, рузиш гысдуым гузет,
Хосдеи ме энжэгъ туьни.

У сиегье, рабе чумгъо,
Венгесд э дульме мульбете.
Сохди мере бенд угъо,
Мекуш, гульзел, туй гысмете.

Мебисдоге пардутьш мере,
Зу э кин туй пар мизеруым,
Шоре метлеб жовонире,
Эри туй ме мигуфдируым.

Дуль ме хомуш гыч вэхд нибу,
Тейте эз туй гоф вегирде.
Гьемишелуыг хъозури у,
Э туревоз эри гешде.

Шевиш, рузиш мигирисуым,
Эге туй «нэг!» гуфдиригэ.
Лап мозоллув ме мибошум,
Э ме гысмет бисдоригэ.



ДУРИМ ЭЗ ЕКИ

Түү офтои, ме менг нисдүүм,
Оммо гьердүү гьисдим бедбэхд.
Түү тэхьнои, меш е текуүм,
Зури-зури рафдени вэхд.

Шев гирошде бирени руз,
Соймишигъо бире сергъуз.
Чүн офто ве менг шеви,
Нивохурим гьич эеки.



СЕВГИЛИ

Гэзоб гүйлом э дүйл дарафд,
Түй рафдеки, ой севгили.
Э чумгьой ме хов неварафд,
Түй рафдеки, ой севгили.

Дегиш бисдю эвир гьово,
Бивэхд пажи гъульзульгульгьо,
Э руй хори сер но угью
Түй рафденки, ой севгили.

Түй себебсүйз уч бисдори,
Эй чумгьой ме лерзи хори,
Селт вир бисдо, дур рафд шори,
Түй рафденки, ой севгили.

Ранг эн руй ме вешенд зерди,
Эки гуюм и чую дерди.
Товуш чумгьоймереш берди,
Түй рафденки, ой севгили.

Рузгьой гүймуур дегиш бисдо,
Жковоне сер э дерд оффдо.
Сие муйгьо, сипи бисдо
Түй рафденки, ой севили.



БИЁ ЁР

Геймиш бирет э гульгьой васали доргъо,
Туь, ёр, ширини эз гъеммей энугъо.
Биё ёр, геймиш бире тегъер гульгьо,
Шевиш-рузиш э рэхь тув деруыт чумгъо.

Э ховиш чигърет тув э пушоймени,
Бэхд мени тув, хэндей эн ловгьоймени.
Пейлай гловеш эз лэглэй ме минорум,
Зу эз шори түре ме гъэл мигирдуым.

Сие хол эруй тув ярашуыгъ доре,
Эри гъер ярайме у офди чоре.
Эжигей тув екиш нидануь бире,
Биё ёр, метлеб дуылме, воку дере.

Гъем эшгъ мени, гъемиге эй дуыл шори,
Туьни хосдэй дулме э руй эн хори.
Мегу, хосдегор тув эз хъол офдори,
Биё ёр, чум ме э рэхь тув дери.



ЭРИМЕ ОФИРЕ ОМОРЕЙ

Эз гэили э түй бендуум,
Түсьуз чуьтам гуюм хэндуум,
Түре эз ме хэбер нисди
Энжэгъ дуyl ме э түй бенди.

Гъульгульгъо селт бири лов,
Гъер тарафе сохди тов-тов.
Рачи эну гульгъо түни,
Дуyl эри түй хъэротини.

Эз рапе сес овоз буylбуyl,
Хэбер бири ченд жире гуль.
Дуyl э сине тоб нис доре,
Воисдени түре дире.

Э түй ухшеш екиш нисди,
Эри ме түй келе бэхди.
Э кес гъисмет нигъльум бире,
Эри ме оморей офире.



ОШУГЪ БИРЕМ

Гулье хуно очмиш бирей,
Ошугъ бирем э түү дүхдер!
Түре дире, бирем ме шор,
Бэхд мени түү, ширине ёр!

Түнни мелхъэм эн гьер яра,
Дульмере түү месох пары.
Дур мевирих эз хосдегор,
Бэхд мени түү, ширине ёр!

Эри шевме түнни товуш,
Гьер гоф түү гьисд эри ме хуш.
Ширини түү тегъер онор,
Бэхд мени түү, ширине ёр!

Лап раачгьююш ни берүү борж,
Эри руй түү, мегъил михътож,
Биё сох мере дүүл шор,
Бэхд мени түү, ширине ёр!



СУМБУЛЬ

Э ранг эн сүрх, зерде хьини,
Селигъэлүү э бенд дери.
Гъечу веди бире сүмбуль,
Буле мэхьсүл, шори эн дуль.

Чувн бикегьо лой-лум доре,
Кими вэхд лос зими бире.
Е вэхдиге түү мивини,
Э сер дерьёгь шар гешдени.

Э эшгъэвэл кук, комбайнэр,
Мэглини мутьыбет хунде эй ёр.
Комбайн эну, тегье геми,
Дурундени мэхьсүл гьони.

Диренге ме бул гендульме,
Воисдени тэглииф дуым ме:
Жофокешгъой дигьбонире,
Сэхьиб були, хушбэхдире.



О, ДОГЪИСТУ!

Тэгьеर эн гъуш мескен зерейм э догъгьо,
Чүн эй чупон, хунеймуунт ейлогъгьо.
Мелхъэм сине гъисди эвир эн богъгьо,
О, Догъисту, түни гээзиз эри ме.

Пар зеруумгеш э дургьо, тегьеर гъуш,
Э лулайме мивогордум, бире хуш.
Эй ме хоши гъисдүйт доргьо ве сенгь түш,
О, Догъисту, түни гээзиз эри ме.

Э чэнд зугью мэгіни хунде пир-жогьил,
Дусди ишу гъисди темиз-жовогьил.
Пловгьой чешме эдет доре рап руыгъ-руыгъ,
О, Догъисту, түни гээзиз эри ме.

Бегем мибу эз түү журо гыч бире,
Гьеर күнж түү эриме гъисди чүн хуне,
Түү дорени эшгь мэгінгьой шогьире,
О, Догъисту, түни гээзиз эри ме.



МОЗОЛЛУЬЕ ГЪИСМЕТ

Немунди э ёр ме чув вэхд бу,
Диреймгьо екире гъердуйму.
Гэйбе-Гэйб мигуурди гъулмере,
Текелифиш мисоходи ченборе.

Кими вэхд сохдеки тув гузет,
Э тегьеэр гъэрэул эн серхъэд.
Гье гешде михунди тув мэглини,
Гуш дошде поисдем меш пэхьни.

Егиле э хувьшде домунде,
Дес мере тув песде шувунде.
Тув бирден гуфдири шоре лов:
«И гъисмет сад салгъо мидув тов».

...Омборе салгъошки гирошдет,
Э сифет жилгъэгъош оффорет.
Гене тув э тегьеэр пушоте,
Эриме дошдени мульбете.





ПОЭМА



МОЗОЛ

Э гүзэлт 60 сали комсомол.

I

Нувуульсденүүм ме дестоне
Эри Мозол — духдер тати,
Кумек бире эй хэлгъ хувьшде,
Гынорменди у бирмунди.

Гүзеле мегь, э мегь гьоми,
Емуышдоргъо геймиш гьисди,
Онгурбогъго савзе мохбер,
Дуль инсоне сохдембу шор.

Жофокеше фэхълей колхоз
Э хъэвесевоз коре мисохд,
Эй вегирде буле бегъер,
Зиндегуни варав зевер.

Лап мозолменд бу жовонгъо.
Шоре мэглени хунде угъо,

Рафдембируйт десде-десде,
Эз кучегьо эри гешде.

Э булутгъо пичи гъово,
Э дерд оффдо гъемме хэлгъго.
Фашист, немецгъо-довглохогъо,
Э сер Ватан гъов кенд омо.

Рафденуыт жовонгъо э довгло,
Жейле бисдо соймишгъо.
У рузгъо гъич эз ёр нирав,
Иgidгъо э торих мерав.

Гъэдимие шегъер Дербенд
Кукгъой юре э женг фуэрсо
Нисд бу гуфре беде душмен,
Азад зигъуыт гъеме хэлгъго.

Жофокешгъой шегъер Дербенд
Деш хъэвеслүү коре сохдүйт,
Эй гээзигъо бире кумек,
Душменгъоре зу бесгъун дуыт.

Э гурунде беде рузгъо
Э пушо бу комсомолгъо,
Расде шовгло угъо доре,
Борж мибердүйт э гъер жиге.

Э жергегъой комсомолгъо
Дебу духдер — нум ю Мозол.
Бебей эну рафд э гъовхо
Э сувфдеи рузгъой довгло.

Гье эз у руз тегъер жоборд,
Сер гирд жофо кеши Мозол.

У комсомол Ленини бу,
Э пушой эл шовголуль бу.

Медсестра э госпиталь,
Э яралульгъо тегъер хэгъер,
Шев те себэхь не хисире,
Сохдембу у кумекире.

Некешуятугъо угъо зэхъмет,
Зу соф бире, буравт э женг.
Бигъил куынд бу руз бесгъуни,
Дульшмен Ватан нисд биреи.

II

Мозол эз кор вогошдеки,
Пушоре гирд дусд школеи,
Хунденбугъо э уревоз,
Э е школе эз зуревоз.

— Мозол, туыре эдем гешде,
Эй винире пушай рафде,
Эдем рафде ме э довгло,
Кумек бире эй бебегъо,
Дульшменгъоре эй нисд сохде,
Шолумире эй овурде.

Гоф Яшкере гьетте шинре,
Сифет Мозол зерди зере.
Дуль ю варафд-фураморе
Гуфди, дусде у дуль доре.

У мердини, э женг рафде,
Дульшменгъоре эй нисд сохде.
Песде Яшке сер тик гирде,
Гуфди метлеб дуль хульшдере.

— Минет мени, дениш э ме,
Түни вихде соймиши ме.

Гоф ди мере пушой рафде,
Э гъер рэхьгъо инсон рафде,
Эгер небуриге глов эз бенджъо,
Мирасуыт э мирод мульбетлуюгъо.

— Бура, рэхъ ник, шор биёвош,—
Гуфди Мозол, дир не сохде,
— Бисдоримге гъисмет еки
Миёв эйму рузгъойники.

— Бебейму гъисд э довгло,—
Мугу Яшке, минет сохде,
— Дедейму мунди тэхъно,
Э хунейму де кес неде,
Хосденуым эз туть, мозол, дусд ме,
Гэрэ-бир сер кеш э дедейме.

— Яшке, дусд ме, бовор сох туть,
Тегъер ферзенд эй дедешму,
Ме мибошум, олхойн бош,
Бесгъун доре, зу вогошдош.

III

Чульдуимуын сал, гъизгъин довгло.
Миоморут эшелонгъо,
Э Дербенд яралуыгъо
Лап пур биরуыт госпитальго.

Мозол шевгъо нэхисире,
Невомунде кор сохдембу.
Бесдембу у ярагъоре,
Оммо эз дуыл гирисдембу.

Ээ же амо и бедигьо
Э сер келе ве жовонгьо.
У кор мисохд гүм-гүм сохде,
Эй сук сохде дорд яаре.

Е яралувь себэхъмунде
Огол зере глов хосдени,
Сер энуре тик вегирде,
Мозол глове декирдени.

Согъ сифет ю бу пичире
Э верфлуюе сипре жоне,
Энжэгъ ловгъо веди биругт,
Тегъер тешне глов фубердүйт.

Диеш дердлувь Мозол бисдо,
Дигълей эн гээрс эз чум оффдо,
Генеш у дуыл хульшдере до,
Эй яралувь кумек бисдо.

Хэйли рузгъо гирошдени,
У яралувь сер гирдени,
Евош-евош эй бире соф,
Дуыл эн Мозол бирени шор.

Яралувь чум вокурденге,
Э сифет Мозол сэхд дениши,
Эз зуревоз мигуиге
У Мозоле шинохдени.

Сер гирд э ёр эй овурде
Эже дири у Мозоле.

Бирден э ёр эну омо,
У гурунде беде гъовхо,

Келе женг гирошдигъо,
Дусд ю жуне норебугъо.

IV

Увэхди дульшме гужлув бу,
Гье шишире оморембу,
Сухундембу хунегъоре,
Пуч сохдембу инсонгъоре.

Эй Таганрог келе гъовхо,
Лап хунлую гирошдебу,
Ферзендгъой эн ченд миллетгъо,
Тегъер эн мерд женг бердембу.

Дусде хьовир эн Николай,
Нисон — ферзенд Догъистони,
Э е жерге гъовхо берди,
Дув согъэ сал бирор бири.

Э Таганрог женг бу келе,
Беде яралув Нисон бисдо,
Коле уре гъужогъ зере,
Зу ведеберд эз гъэд гъовхо.

Увэхд Нисон сульсд гъолок бу,
Эй гоф сохде мутьгълет небу,
Э гъултугъ у десе доно,
Сирот вегирд э Коле до.

Энжэгъ дув гоф увэхд гуфди;
«Шегъер Дербенд э Догъисту...»
Коле уре дуз вараси,
Шовгю доре дусде, мугу:



«Олхон биш, гээзизе дусд,
Согъ мундумгэ, ёгъин мирам,
Эз жун меш уре дуьрусьд,
Тегъер бебе ме мидорум».

Коле дусде гъовре сохде,
Э гъоврей эн бирори,
Дарафд э женг эй борж берде,
Гъэгър хүн эн дусд э дуыл дери.

Нетерсире у эз гэжел,
Телеф мисохд дуьшменгьоре,
Э лап беде жигей эн женг,
Дешенденбү у хувшдере.

У руз угъо сэхд поисде,
Таганроге гъэлхэнд дошдууьт,
Энжэгъ буйругъ оморенге,
Песо угъо вогошденууьт.

Немцгъо гъеле гужлувь бирутьт,
Те Кавказиш расиренууьт,
Оммо Коле у сироте
Э гъултугъ ю газиз дошде.

Гэрэ-гэрэ вегирдембу,
Тимор сохде, тириисдембу
Э ёр дусде у овурде,
Эй ю гэрсгъо рихундембу.

Э хоригъой догъгъой Кавказ,
Э беде женг дери е дес
Коле бисдо сэхд яралувь.
Эз хувшде уре хэбер небу.

Э госпиталь, шегъер Дербенд,
У э хувьшде дироморе,
Вохурд э ю күнде чигърет,
Гье у туьтем огол зере,
Эз сестра пурсырени,
Мундиге согъ когъозгъой ю,
Зури овурде гьишдени,
Тигъэт вини сироте у.

Коле увэхд ёгъин дануьсд,
Нисон бебей эн Мозоли.
Дуыл ю бисдо диеш гурунд,
Эз чумгъош гээрс бисдо тигъи.

Оммо фикир, дерд дуыл юре,
Недануьсд очмиш сохде.
Воисд уре зу соф бире,
Гъэгър хун дусде ведешенде.

Маглумсуз вэхд пушо рафде,
Сер гирд Коле эй соф бире,
Гэре-гэре у вэхувьшде,
Минуьшд э сер эн пенжере.

Гьетте Мозол дироморе,
У мибисдо диеш гъэмлүү,
Э дуыл дэгъо фикиргъоре,
Воисдембу очмиш соху.

Оммо гьичиш не гуфдире,
Мигуфди у э дуыл хувьшде:
«Беге мибу и чумгъоре,
Рэхъм не берде, гээрслу сохде».

Не дануьсде бигъил зигъуль,
Чумгъо эз гээрс тар небошу,

Раче жейрон эн догъире,
Пловуни эй гъэмлүү сохде.

Е руз Мозол э кор омо,
Гъэмлүү бирукт эну чумгъо,
Веди бу, ки уре дерд бу,
Сифет эну бу фикирлүү.

Коле пуурси эзу зури,
Эйчүү гъечи у гъэмлүүни,
«Лелей Коле, ченде гуюм,
Ме э кифлет е тэхьноюм.

Э дуыл м.e. ченд дердгъо дери,
Одохлуй ме э довглои,
Вегирдем ди когъоз эз у,
Бири гуфре сэхд яралувь».


Эз чум ю гээрс тигьи бире,
Зиёд сохде Мозол гуфди:
«Дие бебеш нисди мере
Э женг довгло уш ки муурди».

Инжо лерзи жендек Коле
Ве пуурси у дир не сохде:

«Чуьтам муурди эн тув бебе,
Эз же эхи тув дануусдэ?»

«Омори когъоз пуч биреи,
Маглувьмсузы, гъовреш нисди»

Де тоб недо инжо Коле,
Вегирд эз гъултугъ сироте.
Дениши у э сиротиш,
Э гэргсгэй чумгъой эн Мозолиш,



Эз чумгъой мерд тэхъле гэргьо,
Э инжиге тигьи бисдо.

До э духдер у сироте,
Ихдилот сохд гъозиере:

«Тегьеर иgid Нисон дусд ме,
Э гъэд гъовхо нори жуне
Э Таганрог гъовре бири,
У э гъоврей эн бирори.

Дуyl ди хувшдере, духдерме,
Бигыил ебо соф бошум ме,
Мирам э женг дир не сохде,
Гъэгъре эри ведешенде.

Ме эз довгло мивогошдум,
Эй түү бебе ме мибошум,
Бесгүн доре вэхьшигъоре,
Мисохим селт нисд угъоре.

Одохлуйтуш мивогошду
Диеш шорте рузгъо мибу».

Оммо Коле хэберсувьз бу,
Эй довгло гэмелти небу.

Гъеммишельуг беде яра,
Овурд эй ю шүкестире,
Духдиргъо дуyl дорембируyt,
Суре э у нигуфдируyt.

Оммо пушой селт соф бире,
Даньсад Коле ёгъинире,
Инжо бисдо у фикирлувь,
Недануьсад у де чувь соху.

Минет мисохд э дүхдиргьо,
Э женг рафде бигълув угъо,
Мерг венгенув э дульшмегьо,
Гъэгър эн дулье ведешенде.

Нэг!, не гышдүйт уре рафде,
Гэмели небу эй женг сохде.
Нульшдембу сер гъуз гирде,
Гэрэ не доре, гъэм кешире.

Мозол уре гъечи дире,
Гүфдирени: «Лелей Коле,
Эйчуй гъечи фикирлувнит,
Могъбул, сергъуз гье нульшденит?»

Э ён Мозол у куынд нульшде,
Ихдилот сохд гъозиере,
Э и довгло селт нисд бирет,
Эн Николай согъэ кифлет.

Э дуре дигь Украинаи,
Сульфде бомбгьо оффореки,
Темиз бири эз руй хори,
Уре екиш де не мунди.

Бебе ве дедей ю мульдэти,
Зен ве кукеш немцгьо кульшдет,
Гъони нисди уре кифлет,
Эже бурав, нисди мульгьбет.

Мозол тигъэт денишире,
Гүфди: «Месох фикир леле,
Пой тув инжо эй зигъисде,
Э жигей бебе эй ме бире».

Коле бегъем соф не бире,
Мозол уре берд э хуне,
Мидениши тигъэт э у,
Нигышд уре фикирлув бу.

Коле дуль ю лап битоб бу,
Э кор рафде воисдембу,
Зури офде фенд эн коре,
Сер гирд жофо эй кешире.

Э колхоз у дарафдени,
Тегъер жборд кор сохдени,
Жигей Нисон дусд хувшдере,
Гирдени у желдлув бире.

Э госпиталь кор омбар бу,
Мозол эз кор дир миомо,
Коле зуте оморембу,
Чой, хурекиш у мивено.

Чувш эй сохде у хъозур бу,
Токи Мозол дердлув небу,
Оммо Мозол гъэгъри бире,
Нигышд сохде кор хунере.

Е руз Коле эз кор омо,
Зен гъуншишу когъозе до,
Вегирденге когъозе у,
Шори юре гъэдер небу.

Зури хурек хъозур сохде,
Сульфрере у дешендени,
Э пушой гъопу у рак нульшде,
Мозоле гузет сохдени.

Гъетте Мозол куынд оморе,
Гүфдирени зури Коле:
«Гъери вежегъ е дес винуьм,
Шоре хэбер тулье мидуьм»

«Лелей Коле, гу зу бура,
Чув хэбер тулье миди мере».
«Гъевел вежегъ, песьде гуюм,
Мерөш воисдени винуьм,
Чуятаре тулье вежесдеге,
Шоре хэбер оморенге».

Чумгъой Мозол гэрслүү бире,
Гүфди у: «Жон лелей Коле,
И ченд салгъо не вежесдем,
Тегъер юреш фирмуш сохдем...»

«Нэгл, духдер ме, тулье межегъи
Эз шори Яшке соф биреи,
Одохлуйтуу селт соф бире,
Гене эдей гъовхо берде».

Дуль эн Мозол лап шор бисдо,
Когъозе у ченд гиле хунд,
Белки гъисди уреш баход ю,
Мивогошду одохлуй ю.

...Газизе кукгъой Ватан,
Бесгъун доруут дульшменгъоре,
Гъовхо берде тегъер аслан,
Овурденуут азадире.

Э жергей эн жобордгъо,
Кук Дербенди Яшкеш дебу,
Э лулей эн гуьрге-вэхьшгъо,
Угъо суре доноребу.

Зу лов бисдо хэбер шори,
Э Дербендиш омо раси,
Э игидгьо эй вохурде,
Гъемме эдэт хъозур бире.

Э у гэре бебе-духдер.
Гъэдерсүз бире дуылшор,
Коле ферзенд украини,
Мозол духдер эн татини.

Тегъер мигид хунегьоре,
У руз Мозол вараюнде,
Гъул э гъул бебе доно,
Э вокзал Дербенд фурамо.

Бируйт инжо согъэ жэгимет,
Чэнд десдегьо зерегоргьо,
Геймиш бируйт тегъер хэлгээт,
Оморембу сес гьовогьо.

Мивежесдүйт гъуле гирде,
Гъэдер небу шори хэлгъэ,
Поезд э вокзал диromo,
Иgidгьо э перрон фурамо.

Дуль-екире гъэл мигирдүйт,
Гээрсгэй шори мирихундүйт.
Яшке зури фураморе,
Офдени у ёр хуьшдере.

Гъэл гирд ёре эз дульи у,
Сэхд моч сохде эз ловгьой ю,
У бу сүйфдэй моч эн мульбет,
У бу васал зиндегуни,
Эз четини гирошде бэхд,
Лап ширин бу эй дуыл гъони.

Мульбетлувъю жейле бире,
Томоше сохд дуль-екире,
Мозол гирде дес Яшкерене,
Шинох сохд у не Колере.

Гъерсе еки гъул доноре,
Варафденуыт э лой хуне.
Зури кура бисдо дусдгъо,
Хэгъер-бирор ве шинохгъо.

Э сер сувфрей келе ники,
Нувшденуыт дусдгъо гъеммееки,
Пейлей шори декирденуыт,
Э согъи еки рач хурденуыт.



СЕРНОМЕ

СТИХИГЬО

Бовор сохденүүм	5
Хөгь Ватане	6
Дусд	7
Мере хъээс оморе	8
Шей себэхьи	9
Ловой деде	10
Нисе мурдэ	12
Э сер гъоврей деде	13
Вэхд жовони	14
Мепой	15
Дор э сер билогъ	16
Раче чигърет	18
Дуриим эз еки	19
Севгили	20
Биё ёр	21
Эриме офире оморей	22
Ошугъ бирэм	23
Сүмбуыл	24
О, догъисту!	25
Мозоллууе гъисмет	26

ПОЭМА

Зоя Семендуева

у РОДНИКА

На татском языке

Редактор Б. Сафанов

Художник В. Логачев

Художествен. редактор М. Вегерчүү

Техн. редактор В. Гаджиева

Корректор А. Семендуев

Сдано в набор 18.07.1979 г. Подписано
в печать 07.09.1979 г. Форм. бум. 70×90¹/22.
Бумага типографская № 1. Гарнитура «Жур-
нальная рубленая». Печать высокая. Усл.
печ. л. 1,75. Уч.-изд. л. 1,2. С04263.
Тираж 1000. Зак. № 338. Цена 15 к.

Дагестанское книжное издательство Управ-
ления по делам издательств, полиграфии
и книжной торговли Совета Министров
ДАССР. Махачкала, ул. Маркова, 55.

Типография им. С. М. Кирова Управления по
делам издательств, полиграфии и книжной
торговли Совета Министров ДАССР. Махач-
кала, ул. Маркова, 51.

Цена 15 коп.

МАХАЧКАЛА 1979

Зоя Семендуева

У РОДНИКА

На татском языке